

沈乃文主編

明別集叢刊 第五輯

第五十冊

黃山書社





国家出版基金项目
NATIONAL PUBLICATION FOUNDATION

「十二五」國家重點圖書出版規劃項目
2011—2020 年國家古籍整理出版規劃重點項目

沈乃文 主編

明別集叢刊 第五輯

第五十冊

黃山書社



(明) 彭期生 撰

彭節愍公家書一卷

民國三至五年吳興張氏刻適園叢書本

彭節愍公家書 附

濟郡第一次書

出山小草辭家兩月自叔父母兄嫂各大人兒姪輩而下想各安於起居太太健飯善頤天和壽徵未央立侯弟洎諸弟婦內外定皆安好惟途次節節有信覆知家中而家信自出門後無從覓一聞問那得不縈裹抱宿遷卽陸在四月廿二日至五月初二日至省初三日履任今已畢參謁行香謁廟朝王拜客諸事矣途中黃河沙岸侵月披星山川閒阻登陟淒淡令人步步憶江南幸家人兒女俱習於就程卽次安穩爲幸它況不及備述獨廿六日入滕拜府君之生祠廟貌豐碑巋然如故爲之憶生平音容而沾襟灑泣吏人父老率爲

彭節愍公家書

通圖叢書

感動涕零也邑中傾郊塵城市爲結綵迎道祠前搭殿懸綵邑令君洎學廣文皆來與陪祭之班再四以家祭辭之各官乃皆侍立於墀下諸生旁列禮生引道行初獻再獻三獻祿洗酌釋讀祝備禮如儀亦是不虛府君種德垂後之澤耆舊無多皆來惠顧侯顏兩宦孫杜兩春元於回拜設酒爲舉酒三行而謝別餘文學書父老人役約略見聞先政者皆來謁送車帷接手本幾滿李緒猶依依舊役周旋梁令君甚致敬盡禮先時已爲整刷祠宇至日祭品籩豆黍稷之儀皆委捕衙一一整備而迎送廚傳率如親臨屬禮可感其意令君云查案已於五年出名宦呈不知皮閣何處容且補贖行催弟至宛郡王郡伯亦悉其概大約必能了此未了亦是人子之

心可慰今寄歸祝文一閱車中口占不盡政譜十一不知大兄公車取道於滕否董二兄出二十里鋪外見於野寺相慰想一番梁縣君亦極意寬卹之只撫臺初行甚嚴重故盡難反異坐追贓近千金尙思告減未知得減否卽侯樂菴乃孫侯邁亦以上年告密下獄斃命故舊之家念之短氣廿七日

彭節愍公家書

二

通圖叢書

至鄒縣因駐宿拜展亞聖先師之廟墓五經博士是六十一代孫迎謁陪拜設酒張戲爲之留連旁晚亦是讀書生平慰心之事鄒縣進學從來止十五名我爲力任懇於文宗以先師發祥教澤被天下萬世不妨加額數名文宗亦爲之首肯矣滕縣新志是張字白先生修所推重府君不啻口可謂直道之不泯三代纔抵任之日而京報人鳴鑼持紅紙來乃唐存翁蔡韞先薦我兄弟之詞語及部覆大意此雖虛紙不係仕品高下但以海內之大而薦人者特及我兄弟兩人何可不自勉砥稱塞邪見邸狀有旨起送赴京酌用則吾大兄必爲郡國勸駕式過其行此亦公車旣近白當脂車之期又見有鄉會場試馬步弓矢之旨此則文場之必難行者而明旨一下驟難竟閣奉行者嚮進者鉛槧藥韃安出乎見通行免觀之新旨則弟當在議免之科正亦靜聽之赴京暫弛郡擔亦吾志也衙署儘可容膝尙有餘地只文檄旁午徵輸百出派捐日下公費薪馬皆無所給未免索枯魚之肆耳甫抵任它不能述郡狀若何只以履任平安覆知家中慰懸懸登泰山石刻可刷下一二十張便閒寄來因途間遣回沈誠及其

男此閒甚覺僮僕乏人倘能買僮酌僕因便遣之赴任中更好兒輩志之刑廳陸墨齋丈甚精明整練可與其濟殊爲同官之幸弟甫到任三日而刑廳軍廳馬廳糧廳各以事公出郡寄一身孑然茫然遺才試檄已下自此正填委紛沓之日精神晷刻不支獨有自知擲筭思家總不能縷及諸懿戚尊長親知各各致念臨風意塞五月六日午刻濟下弟期生頓首大兄大人四兄大人尊前

留都第二次書

初三日視事司篆又直史堂翁履任之辰僕僕不少休歸而日已冥急遣蔣德從送來曉船歸家中并寒暄起居語不及一詞惟口授家音報履任鹿鹿無分身暇晷而已此時南中

彭澤家書

三

適園叢書

已報南宮捷而浙中無一姓名可探越十餘日不得信正懸懸大伯父捷音然疑喜交戰於胷且旬餘日至十二日之午從拜客回則金雙南年兄遣班役以紅紙一單帖錄吾郡南宮之雋凡十九人姓氏而大伯父遂爲開榜特收中人矣覽之可勝欣喜無量憶乙卯同捷秋闈時閱今且十科而大伯父學業志趣意氣精神豪不退轉今茲晚遇豈非有志者竟成而大器固晚成邪要之祖宗父母世種其德之報而我家福澤自此日永而日新惟舉室大小尊卑長幼同心培植元氣愛惜福分仍互相斂戢管本作輯今改減獲務以忠厚退讓雍睦於鄉爲第一延長世澤善不然何以堪此若借此以爲鼎盛得意之地稍稍志得意盈便將福非其福矣我與大伯父時

時存此方寸始願不及此今及此豈非天之不負於人貽兒暨姪輩志之志之諸大人叔姪輩亦素不昧此道所以吾家福澤有自來也吾郡之盛爲從來會榜所無至於吾邑登甲五人而祖父皆科甲世傳尤是難得之數誰謂一姓之業不再興爾曹子弟勉之勉之毋令詩書箕裘之緒難乎其繼於此益深厚望於後之人矣旅邸意況去家未一月而擔心注意者止大伯父捷音與換姪女病體最以屬念已得滿志於報捷矣十五日之午得於布客里人致所寄朔日家書而捷音傳自家閒想見家人聚話忭躍喜溢門閭之景又得換姪女出閣合卺成禮此又一佳話也喜之中又得喜知弗藥吉康且計日待之矣我之赴樞曹尙以官爲副郎事寄可在任

彭澤家書

四

適園叢書

讓之間不意身未履任而內又推正郎已經九月初二日命下矣我初不知此中報人亦未傳報於史堂翁履任二日後因詣私宅講職務首以揭請催補正郎爲言堂翁云久已借重貴司轉正矣淮上見報久何尙未知初猶不信謂堂翁是正副郎之誤閱堂翁謂副郎之後又見新推正篆蚤以爲司篆得人之喜乃始知實推已久頃於望後始鈔報至也同官戲相謂兩喜信一彈冠之喜報自大司馬一登第之喜報自銓曹同年眞亦佳話阮年兄以詩見調末句云元方破褐今初釋郎署君何歎二毛良爲之撫掌方司自來繁劇之寄以今寇患方亟管本作函今改任重責大且左掌科奉命臨京察嚴兵馬錢糧與防守機宜正費料理之會兼以堂翁新莅百務精

明振作搜求職掌典故與近日蠹弊興釐日夜拮据不皇每日進署以辰入以申出且至於辨色舉燭以是例之各衙門勞逸迴別即以本衙門往規言之亦不如是之勞劇矣近日賊信兩寇未殄而闕賊之勢稍殺孫督師之兵氣大振只獻賊蹂躪武漢黃以及岳州長沙聚眾轉盛江右袁州接壤震鄰全省皆爲大震蓋至南昌士夫皆爲出城避兵之舉而賊勢先聲可知已左帥雖遣前鋒收復武漢黃三府而皆是獻賊殺掠管本作略或通搜劫之餘空城僅存委而去之非云戰勝攻取也近報獻賊已破長沙於八月二十五日楚撫王聯老亦殞於賊手楚中未盡之餉銀本折皆聚於長沙自此楚遂爲空殼矣可爲寒心謀者又云張獻忠已於五月間死

彭節愍公家書

五

通國叢書

於羅田今代領其眾之賊首爲馮西兒是楚劇賊其附合者皆楚中羣盜此亦有之總之一賊滅一賊起不加芟夷掃蕩之未有已也九江左帥之兵尙盤桓不去兵以四五萬計舟楫以萬計馬以萬千計跋扈尾大而不可驅新江督呂東老又機略不能駕馭而用之復不能威望懾伏之水火之形已見肘腋之變堪虞兩賊未翦滅更恐九江之左兵再變則金陵江浙之憂更迫切而酷烈矣史堂翁負當世之望彈壓留京大小軍民人心肅然欣然風指所臨不令而行不言而信外若威嚴而未嘗不終寓寬大其厲精職掌曉夜不皇暇逸衡石程書公家之事孳孳知無不爲而好問好察人人得盡所裒來真重臣也其於各曹郎中倚信於我備至堂稿每日

十餘上無不隨行批答施行只我自顧無以副其傾重雅意耳報鈔殿試於十五日傳臚於二十日此時大伯父已注定某甲只不敢望縮取大物或以二甲選一部曹可以並官留曹亦一大快事矣否則三甲京秩猶可爲推知於今日殆大難爲也吳來之之羅重譴旋已刑斃衣冠之慘未有若斯而營競鬪捷行險乘危罪固自取人乎何尤至兩相君之並建亦是事勢相尋致然而國體元氣爲之大傷矣大伯父同榜中多名士卽曾元陳亦負夙名者五魁中多名士如應天府屬教職何君九雲汪君鉉王君曰俞三君以廣文計偕並捷南宮何則更有乃姪二人王則更有乃郎王禮父子同登此亦首藉中盛事從來未有何爲王子鄉薦與大伯父同庚今

彭節愍公家書

五

通國叢書

且樹旗竿於首善學宮前此三廣文於我舊屬誼極相知俱極力推轂遊揚於當道此番悉爲年籍弟兄諒於大伯父敘年誼間能悉我一段汲引之裏也崔子玉姪婿抱大諱而歸言之慘裂世爲總戎而福澤之不相若若此馮基聖表姑夫家解兵部柴直文批已爲領取庫收託重幸已竣事可卻寄了公旬也去歲留李奔走外郡屬邑不知鞠有黃華今歲服官留樞京北舊人有以鞠餉者得十餘本而日視草兵馬藥鍵之役兀兀司馬郎署中歸而燒燭看黃華輒深三徑松鞠之想勞人苦海竟復何益此中見二賊塘報情形頗詳今簡數通近日塘報付歸參閱以悉流氛大概便中可以送胡赤翁老伯覽作此家書於季秋末旬而鄉國乏人便遂閣至冬

候今汝岳家堅候尊舅游留都告歸因此增之堅候舅來顧不遇款招亦見辭總之以廂遠而我又公冗不皇亦大闊情矣相聞相晤致此不安傳臚已報鼎甲三人不出二百里之內亦云一時風氣之聚而溧陽一邑榜眼探花聯鑣大物尤爲奇事末年丈之繩卽見任登萊道宋如園之乃郎宋如翁爲我舊相知自爲孝廉時卽以經世自負不得一第而就官仍以材望推它日一邊撫料也乃郎又掇取大物可謂一時榮遇大伯父殿試名次甲分至今未得一閱全錄定想舍中必得傳到矣得免外州邑有司苦否汝於九月十九日寄信南白解鄉人來頃初三日到知家中近況爲慰換姪女迄今未全痊但大勢可保無事須慎醫藥調攝之撫臺公祖爲董

書簡卷之五

七

趙國龍書

心葵供引言其因首揆受賄以得撫軍此人爲說合過付此罪恐不輕主上方震怒此案實甚而爲大臣之負罪亦自取之曾二雲年兄又復見逮以所屬失陷數城坐罪然全省失陷五十餘城王鐵山父母且以擢督鎮去而曾二老不免緹騎此中寬嚴愛憎之故又別有操之孤峻寡譽畢竟受禍要之公道殆無可重罪也宗師既先考省郡必繇湖以及嘉吾郡歲試當在明春矣景光可愛兒輩宜一切屏謝塵雜專意經史所以居業卽所以進德每見汝兄弟輩羣集或問耽博弈以竟日或偶出徵集而忘反或無端集友人家爲不速之酒食此等當深以爲戒卽好逐社會名場吾猶以爲無益有損尤萬不可爲傳單釀社之首恐涉標榜輕薄習氣也時時

耽味經史簡點身心考求經濟典故體貼天理人情固是不出戶庭而友善天下友善千古不然日逐逐名場社會終是三家邨夜郎王分量卽隨方擇善友朋氣誼自不可無要須自己學問有主腦識見有決擇志行有進取不然毋寧絕交書也我輩昔年與大伯父偕師友共業清來館中一時師友如見今林下皆宦達有成未嘗不文章麗澤然覺當年闔然務實之意多至於自家功課準繩初不以寒暑廢芸窗兩題三題日課以此律之汝兄弟輩覺作輟之時多矣門祚隆替全自汝曹志識學問決進退勉之戒之任兒課習誦讀汝可時刻照看之不可以汎汎視也適作家報而二十五日寄來第三次家信至悉家間平安近狀惟殤一幼孫爲可惜此孫

書簡卷之五

八

趙國龍書

韶慧可愛竟以失乳乏元氣以至見疹遂不可支惜哉大伯父名次已於初六之夕寓目全錄在三甲一百四名倘頭選取一百名則爲第二選前列猶可冀京秩不然而或取八十爲頭選或取百二十爲頭選則不免有司格調矣食祿有定分但既在頭二選之列不得給假歸里恐尙當住京邸候十月選期反舍之期在來歲春閒耳鴻便勒報平安臨楮意結小春七日留樞署中父字仲兒入覽兩叔祖四伯父暨女兄弟輩知之并送汝

留都第四次書

十六日之晨已封家音待發入樞署中料理公務則聞有秦督喪師之耗聞賊以屢敗誘敵秦師以屢勝輕敵追逐於中

州南陽之界彼乃盡其精銳以迎戰秦師遂至大敗覆沒其全軍此一役也國家安危係焉一敗而天下且大震南中之震更不可言從此益長賊鋒而賴國靈九江跋扈將軍且益輕朝廷而窺畿甸留畿之禍旦夕且被之矣彼逞其凶惡抄掠劫制不減於叛賊而不以叛聲言使我無可加其聲討至於恣睢狠惡極挑釁一旦操戈入室而仍以激變加抗義之文武吏士若何以伐其謀今其叛亂形跡遠近知之即朝廷亦知之乃養癰貽患不惟文武將吏不得不然而朝廷亦不得不然論來先發制人乃今猶富有可爲即以春秋苟利社稷專之可也之義斬其帥而撫收其眾誰曰不宜而實實鮮有勁兵戰將可以決策一舉頓收萬全者彼之大欲不必

彭節愍公家書

九通園叢書

叛而已全得我之大害不待叛而已坐困凡其挾索者動以百萬數十萬爲詞即盡所在帑藏以飽之而不足姑予其二三而膏脂已竭又且藉寇兵而濟盜糧小不如意而瞋目語難血染盈野盈城矣即今彼猶日夜收舟楫治八槳十六槳之飛艦意何爲者但早正一日討叛之名義我於此中悉鳩合各督撫之兵以先拒之於上游池蕪安慶之閒水陸險阻畢集重兵而江右截之於湖口鳳皖扼之於江北或者尙足以拒之則彼必折而合獻合闔爲連衡且即不合而所在又防闕獻之乘我虛也此箸旣不能先發則束手以待其兵集石頭城墜膺何及三百年根本開基都會不將盡殘掠於此悖逆手乎言之痛心思之流涕高皇帝寵靈在天或當陰視

此逆魄外此而以人事揆之無完策矣今晨署中與史堂翁相對歎歎者移數晷雖見在日日整練兵將而下手尙無著數將領無一人堪當衝鋒陷陣者且軍而爲兵名存實寡一旦欲頓易精銳人情已覺難堪況驅飢卒以禦侮半載缺月糧邪南儲額解百二十萬今止解到數十萬而欠解至七十餘萬以一歲盈縮計之安得不告匱況從前積欠至極又非可一歲計也今日之事兵食交訕眞云所爲者極難耳而禍端又在肘腋閒且奈之何盡其人事餘以俟之氣運而已感懷時難又復提筆寄語及此天下事如此矣夫復安知所究爲之慨息十月十七日晨留樞署中父字仲兒入覽

留都第十二次書

彭節愍公家書

十通園叢書

是月之內數寄家音入里門而里中便音殊少正懸企家中大小起居十六日葉青自家中來齋持吾弟暨四兄仲兒以下各手書來慰我馳思無已但攜置多所長物如履屨之類兒姪及兩妹氏各各寄將旣爲一介之累復增我行篋之煩纍纍此奚爲者人生能著幾兩屐況我在此中韓之緣分多履之緣分少邪兒輩試事甫竣而宗師遽聞報升萬一推新學使至而復行歲考之事將新進學者便無畢歲善藏之地矣六姪當猛思鞭策理經書記講章爛讀墨卷時文此是下學初進工夫時髦每忽視之究竟下學上達大成就元不越此道也吾弟又有弄玉之喜然兒女之多管本作累似誤今改多俟參亦是它年之累正想累尙未止於此耳寄惠衣履諸物一一封

識如故欲以授葉青持歸而苦以不堪負戴爲辭只得暫留以待它日歸璧矣朱家三姑孀出閣以後家中得和樂其順乎每以屬念江上寇警日來少遠但去來飄忽遊行自如終恐無獨占安土之理闖賊之志大不可量已定秦省尙思耽耽燕晉終爲巨大難剪之憂若獻賊則勢力亞於闖而烏合鳩集乘隙蹈瑕以至所向糜爛今稍伏處於長沙岳州之間畢竟相機再逞已殘破者不作朵頤想必在浙直肘近思垂涎矣平日則燕雀怡堂臨變則土崩瓦解所在皆然避地避人若爲站足歲暮有繳奏兵馬錢糧之役有甄別各營衛大小將領之典拮据不皇星出星入鬚鬢半載之間遂爾皓然白多於黑人生幾何亦何愛此革囊不以化碧報君父但處

葉青全集

十二

通鑑叢書

非其處不能者止惟有乞身堂翁願甘參劾以微罪行便是衣錦榮歸之日矣吾鄉金衢紹興之閒傳聞土賊蜂起殺官據城然邪否邪如此氣運料無一處安穩地將如此有生之患何丁訥菴同寅京兆馬政廳於我寅誼最厚而年少才氣疏縱吾甚憂其不克免茲果爲江臺米青老發難求多矣未知處分輕重若何吳來之已特旨斬決紳裾之禍一至此極誠亦自取而陰譴報果實亦辭相國一案有冥冥不爽者然金雙南年翁卹疏已得堂翁具題縱不得請亦可爲身後之光今以疏稿封歸仲兒可於便閒寄送虞乾颺年伯一覽卽煩轉付金年姪家藏之家乘崔子玉之來意甚迫於孝思而江楚亂後難於問途子玉又質弱不禁勞苦險阻我亦不能

贊決其進止但於此閒少爲給付文照以便世官承襲奔楚不妨再圖之朱子於壻若女爲嗣母畢葬事亦了人子之大事兩次寄書及物品來仲兒可於便閒出家書一道謝實實宄不及別札也又於同日得楊家持來家書與葉青同日而至并方外父書入覽矣仲兒亦持過外祖家一道意諸語所不及者崔子玉口能悉我宦署況味矣龐先生承其相依願留伴過歲意殊可感可於家閒厚資送之它不能及兩叔父母暨湯家姑母起居康適獻此增祥惟此企祝四兄諸弟諸妹各述此意仲兒以家書各致問起居餘緒不悉季冬十九日辰刻兄觀民字立侯大弟入覽兩姪共閱之送仲兒傳覽均此葉青歸促諸不及親友一書各晤道念

葉青全集

十三

通鑑叢書

虔中書

自金陵失陷以後海寓鼎沸江省淪胥陷江省者爲虜設之僞官皆逆左之部曲我於吉中公署六月十一日聞弘光主上之出亡繼而知豫章之失守卽改服出次盟約將士士紳共建討賊勤王之義幟於二十四日誓師江千傳牌江省聲討逆賊金聲桓恢復江省以待其主之回鑾於時奉表武林奏事人去曾附以家書投昭慶以達家中亦止書舍生取義數語以與家中大小爲永訣不謂信使赴武林而吾鄉已陷虜矣此信亦遂不得達既而閏六月間會兵臨江峽淦之間賊氣日張我兵數卻曠撫院引諸軍並退吉安兵民不輯子遺蹂躪儲胥告匱庫藏空虛我乃身赴虔中請兵請餉爲濟

師之舉踰旬淹候比兵餉稍集而諸軍已夷毀吉安退屯萬安矣是時爲七月望前後漸聞閩中擁立隆武主上建號中興注意聯屬江省恢復中原我奉虔院李孝源之分任以控守興國固虔中門戶以聯絡廬豐泰萬士民起義之心八月駐興國控扼累月九月閒廣兵虔兵漸整兵而下戰於泰和賊氛氣奪悉眾奔下峽江十月初閒我軍悉集吉安我亦從興國反吉轄方安撫叛亂招徠流亡於泰和萬安閒而虔院易置改用萬吉老乃推升我以光祿少卿兼少參分守嶺北道是九月推升十月報到者我尙周旋行閒未卽赴虔十一月望後萬吉老莅虔守催我赴虔居守我遂於十一月二十二日履虔任十二月閒朝廷敘屢次捷功加級并奏薦者改

蔣鑒公家書

十三

適園叢書

我太僕少卿兼筦左布政仍守嶺北道已而改歲入春萬吉老討賊處吉安一以虔中居守事責成於守道一官拮据兵食調輯招降嘔盡心血備嘗險阻二月終朝命有太僕卿之晉秩差慰荼苦一身得邀封典於吾祖吾父亦足慰人子罔極之恩然遭國家喪亂之後萬感傷心家鄉隔於異域存亡兩地都不相聞此身之不有何心言名位也三月十八九閒省中虜悉聚諸路魁渠及我亂民烏合以數萬計畢聚以逆我顏行萬吉老頓師吉安凡三四月前此累戰累捷且數有大捷此番亦殺傷相當而二十四日敵奮力攻吉安城中守者不支遂爲所陷道府或殺或執士民屠戮甚慘我軍之夾河而壁壘者遂皆潰逸而上久役行閒師老財匱一散不可

復收盡奔至虔中而十八灘之險亦不可恃守兵僅千人未免驚心風鶴若敵馬步夾攻而舟師直上將入無人之境虔城旦夕且爲吉安之續矣中興事業根本咽喉實惟此地一旦淪陷從此天下事殆不可爲我惟以身殉封疆城亡與亡而已生亦所欲所欲有甚於生死亦所惡所惡有甚於死初聞國變以來卽擬殉難於吉正謂一死不足以塞責而顧號聯屬拮据馳驅將爲怒蛙螳臂作志士之嚆矢謂大明之正統必不至一旦遂淪於醜虜而今真不可知矣天平謂之何哉隆武主上豁達大度求賢若渴愛民如子且備嘗幽憂患難周知疾苦奮恢復一統之銳志宵衣旰食親征之詔屢下有進死無退生豈非大有爲之資且江浙閩廣雲貴川楚猶

蔣鑒公家書

十四

適園叢書

在偏安有餘恢復一統亦非不可爲之事何以頻年陽九之厄迄不可轉如斯也我既以身殉國肉飽烏鳶骨尋螻蟻亦爲考終而首邱汝輩弗望生還亦無處求歸骨望湖西嶺北而招魂歸故鄉魂氣無不之也妻兮莫望夫子兮莫望父來生業緣當如故每誦此言酸鼻千古不圖吾身親歷之忠信孝弟禮義廉恥訓汝曹童而習之別無遺命卽此是遺命也如大明之正統光復不可期兒輩誅鉏草茅以力耕守先人之邱隴以延子若孫誦詩讀書不工制舉斯已矣三五叔祖起居何似遭患難來不改其常否大伯父聞已挂冠此時何計避地避人欲爲柴桑白社之彷彿亦不同今古時地也四伯父何以藏身汝兄弟奉母而避難能全八口否但守孝弟

禮義之家訓卽是朝夕嚴父晨昏定省矣閒關遺信未知能達與否從此訣矣言念愴然家中諸大人起居及兄弟行中一一道我懸念丙戌四月初八日虔中公署父字仲見入覽并達各位大人閱知五鼓秉燭起而作家報略述年餘宦邸處變情事不盡述者僕輩能言之

右明海鹽彭節愍公家書五函中言流賊之蹂躪左帥之跋扈以及朝政之得失同調之彫殘更于吳來之獄譏其貪貨罪由自取一一皆大公無我之論而尤于訓誨子弟見修身立誠之學其言藹如春風之入人肌膚令讀者如見程門立雪光景眞天下之至文也千仲其急付之梓以爲吾儕教訓正俗之具庶幾熏德而善良者眾也遲之望之道光元年春正月上元之夕荆谿後學任安上謹跋時年七十有九

彭節愍公家書

三

適園叢書

彭節愍公家書

(明) 賀逢聖 撰

賀文忠公遺集四卷卷末一卷

清同治八年錦樹山房刻本

加賀貞文忠公遺集

同治八年冬月
錦樹山房重雕